



白氏文集

廿一

和6  
158  
76





白氏文集卷第四十九

判 五十道

得甲去妻後妻犯罪請用子蔭贖罪

甲怒不許

二姓好合義有時絕三年生育恩不可遺  
鳳雖阻於和鳴烏豈忘於返哺旋觀怨偶  
遽抵明刑王吉去妻斷絃未續孔氏出母  
踈網將加誠鞠育之可思何患難之不救  
况不安爾室盡孝猶慰母心薄送我畿贖



罪死之

返生反

絃作絕

之下而

雖有之

不思作思不

罪寧辭子蔭縱下山之有怒曷陟此之無  
情想芣苢之歌且聞樂有其子念葛藟之  
義豈不忍庇于根難抑其辭請敦不匱  
得辛氏夫遇盜而死遂求殺盜者而  
為之妻或責其失貞行之節不伏

親以恩成有讎寧捨嫁則義絕雖報奚為  
辛氏姑務雪冤靡思違禮勵釋憾之志將  
殄藿蒲蓄許嫁之心則乘松竹況居喪未  
卒改適無文苟失節於未亡雖復仇而何

其作有匱遺

有夫讎不報未足為非婦道有虧誠宜自  
恥詩著靡他之誓百代可知禮垂不嫁之  
文一言以蔽無效尤於邾婦庶繼美於恭  
姜

得乙與丁俱應拔萃乙則趨時以求  
名丁則勤學以待命互有相非未知孰是

二人有之有元之

立已徇名則由進取修身俟命寧在躁求  
智乎雖不失時仁者豈宜棄本屬科懸拔

日集四十九

萃才選出群勤苦修辭乙不能也吹噓附  
勢丁亦恥之躁靜既殊性習遂遠各從所  
好爾由徑而方行難強不能吾捨道而冥  
適觀得失之路或似由人推通塞之門誠  
應在命所宜勵志焉用趨時若棄以菲葑  
失則自求諸己儻中其正鵠得亦不愧於  
人無尚苟求盍嘉自致

得丁冒名事發法司准法科罪節度  
使奏丁在官有美政請免罪真授以

勸能者法司以亂法不許

宥則利濫誅則傷善失人猶可壞法實難  
丁僭濫為心僂俛從事始假名而作偽咎  
則自貽因勵節而為官政將可取節使以  
功惟補過請欲勸能憲司以仁不惠姦議  
難亂紀制宜經父理貴從長見小善而必  
求材雖苟得踰大防而不禁弊將若何濟  
時不在於一夫守法宜遵乎三尺盍懲行  
詐勿許拜真

徑作經

已作乙

冒作昌

美作美

以有乙

則作為

因作及

久作文

得乙上封請求不用赦大理云廢赦  
何以使人自新乙云數赦則姦生恐  
弊轉甚

刑乃天威赦惟王澤于以御下存乎建中  
上封以宥過利淫倖門宜閉大理以盪邪  
除舊權道當行皆推濟國之誠未達隨時  
之義何則政包寬猛法有弛張習以生常  
則起為姦之弊廢而不用何成作解之恩  
請思砭石之言兼詠蓼蕭之什數則不可

乙有之  
倖作業  
連作建

無之亦難

得景居喪年老毀瘠或非其過禮景  
云哀情所鍾

孝乃行先則當銜恤子為親後安可危身  
景喪則未終老其將至懷蓼莪之慕誠合  
盡哀迫桑榆之光豈宜致毀所以爰從肉  
食唯服麻纓況血氣之既衰老夫耄矣縱  
哀情之罔極吾子忍之苟滅性而不勝則  
傷生而非孝因殺立節庶畢三年之喪順

變從宜無及一朝之患既虧念始當愧或非

得辛奉使遇昆弟之仇不鬪而過為友人責辭云銜君命

居兄之仇避為不悌銜君之命鬪則非忠將滅私而奉公宜棄小而取大辛時惟奉使出乃遇讎斷手之痛不忘誠難共國飲冰之命未復安可害公郎以忠全情由禮抑未失使臣之體何速諍友之規史駢立

氏有之

言作節

言嘗聞之矣不夏有問而忘諸乎是謂盡忠于何致責

聞軍帥選將多用文儒士兵部詰其無武藝帥云取其謀也

引作得

忘身死節誠重武夫制敵伐謀則先儒士將籌策而可尚奚騎射之足稱軍帥明以知兵精於選將以為寧弧學劍用無出於一夫悅禮教詩道可弘於七德功宜保大理貴從長若王師之有征以謀則可苟戎

而教作敦

略之無取雖藝何爲况晉謀中軍選於義  
府漢求上將舉在儒流豈惟我武惟揚誠  
亦斯文不墜元戎舉德未爽能軍兵部執  
言恐爲辱國

儒作馬

亦作且

得甲至華嶽廟不禱而過或非其違  
衆甲云禱非禮也

嶽則配天自修常事神雖福善安可苟求  
宜率道以去邪豈從衆而失正甲志惟守  
義言乃合經以爲視以三公實天子之所

字作首

視准也

饗降其百福匹夫之可懷如修蘋藻之  
誠是用秕稗之禮况人之僭濫徒欲乞靈  
而神實聰明豈歆淫祀非鬼是爲諂也黷  
神無乃吐之旅於泰山古猶致誚禱于華  
嶽今豈不非諒正直之難誣雖馨香而勿  
用將勸來者所宜救歟

如作縱

得乙隱居徵辟不起子孫請以所辟  
官用蔭所司不許

修身獨善寵則可驚制爵尊賢命其難廢

刑雖遺於軒冕蔭宜及於子孫乙貞以自  
居辟而不起鶴書莫顧雖忘恤後之心爵  
命已行寧闕賞延之典若使死無用蔭生  
不及榮何成旌善之風且是廢君之命場  
苗不食誠自絕於繫維葛藟有陰義難虧  
於燕翼請優後嗣以獎外臣

得江南諸州送庸調四月至上都戶  
部科其違限許云冬月運路水淺故  
不及春至

公都及不望  
固也

賦納過時必先問罪淹恤有故亦可徵辭  
月既及於正陽事宜歸於宰旅展如澤國  
蓋納地征歲有入貢之程敢忘慎守川無  
負舟之力寧免稽遲苟利涉之惟艱雖愆  
期而必宥地官致詰虛月其憂江郡執言  
後時可憑然恐事非靡鹽辭或憑虛請驗  
所屆公文而後可遵今典

得景為縣令教人煮木為酪州司責  
其煩擾辭云以備凶年

馮作怒

嗣作同



事不舉中。有災寧救政。或擾下。雖惠何爲。景念在濟時。動非率法。且煩人而不恤。是昧烹鮮。何歎歲以爲虞。將勤煮酪。信作勞於無用。豈爲教之有方。必也志切救災。道敦行古。周官荒政。自可擇其善者。新室弊法焉用。尤而效之。宜聽責言。勿迷知過。

得丁爲郡守。行縣見昆弟相訟者。乃閉閣思過。或告其矯辭云。欲使以田相讓也。

敦作勸  
或本

責作責

化本自家政。先爲郡禮寧。下庶宜寬。不悌之刑訓。在知非。是得長人之道。況天倫不睦。地訟攸興。利方競於膏腴。恩難虧於骨肉。教宜引古。過貴自新。雖聞爭以閱牆。有傷魯衛之政。庶使愧而讓。畔將同虞芮之風。苟無訟之可期。則相容而何遠。推田以讓。爾誠謝於孟光。閉閣而思。吾何慙於延壽。宜嘉靜理。勿謂矯誣。

得甲獻弓。蹲甲而射。不穿一札。有司

詰之辭云液角者不得牛戴牛角  
貫革乘方則宜致詰相角失理亦可徵辭  
甲真體以成執簫而獻中規不撓六材雖  
則合三捨拔有愆七札不能穿一宜恐傷  
人之甲不曰堅乎而非戴牛之弓無自入  
也液信虧於巧者射遂爽於臧兮周典足  
徵彼自乖於三色楚君明試此無愧於二  
臣咎且有歸責之非當

得乙有同門生喪親將往弔之其父

怒而撻之使遺縑而已或詰其故云

### 交道之難

子道貴恭當從理命交遊重義蓋恤哀情  
孝不在於詭隨仁豈忘於惻隱乙父訓乘  
愛子道昧擇交沉求益之初無友不如已  
者及居喪之際凡人猶合救之既罔念於  
一哀是不遵於父要苟知生而不弔雖贈  
死以何爲舊館遇喪宣父尚宜出涕同門  
在戚王丹未可忘情縱申遺帛之誠豈補

贈芻之義肆一扶之怒父兮既爽義方杜  
三諫之辭子也亦虧孝道宜哉或詰允矣  
知言

得轉運使以汴河水淺運水不通請  
築塞兩河斗門節度使以當軍營田  
悉在河次若斗門築塞無以供軍

川以利涉竭則壅稅水能潤下塞亦傷農  
將捨短以從長宜去彼而取此汴河決能  
降雨流可通射引漕運之千艘實資積水

使

生稻梁於一溉亦籍餘波利既相妨用難  
兼濟節度使以軍儲務足思開實而有年  
轉運司以邦賦貴通恐負舟而無力辭雖  
執競理可明徵壅四國之征其傷多矣專  
一方之利所獲幾何贍車雖望於秋成濟  
國難虧於日用利害斯見與奪可知  
得景爲宰秋雩刺史責其非時辭云  
旱甚若不雩恐爲災  
居常授時政則行古恤人救弊道在從宜

車作軍

旱將害於梁盛雩難拘於秋夏景象雷是  
職不雨其憂苟旱魃之愆時虐既太甚雖  
葦收之戒序雩亦何傷冀有聞於鸛鳴庶  
無慮於狼顧馨香以感夕且望於月離稼  
穡其傷時難遵於龍見雖事乖魯史而義  
合隨時製錦執言是亦為政褰帷致詰未  
可與權

得丁為郡歲凶奏請賑給百姓制未  
下散之不使科其專命丁云恐人困

輔 扶兩反  
同名  
籛 唐名  
猶京結

臨邦匡乏情不由衷為國救災羨終歸上  
丁分條出守求瘼居心歲不順成人既憂  
於二輔公有滯積戶將餼於一鐘是輸濟  
衆之誠允叶分憂之政然以事雖上請恩  
未下流稍違主守之文遽見職司之舉使  
以未有君命何其速與郡以苟利國家專  
之可也郵貧振廩鄧攸雖見免官矯制發  
倉汲黯不聞獲罪請宥自專之過用旌共  
理之心

輔 扶兩反  
同名  
籛 唐名  
猶京結

田  
夜

得戊兄為卒所殺戊遇卒不殺之或責其不悌辭云卒以義殺兄不敢返殺

捨則崇讎報為傷義當斷友于之愛以遵王者之章戊居兄之仇應執兵而不返卒殺人以義將傳刃而攸難雖魯策垂文不可莫之報也而周官執禁安得苟而行之將令怨是用希實在犯而不校揆子產之誠損怨為忠微史駢之言益仇非智難從

當作當

傳作事

誠作計  
作誠

不悌之責請聽有孚之辭

得甲為將以葷醪投河命眾飲之或非其矯節甲云推誠而已何必在醉將主軍情酒存人欲推誠之義必在於均飽德之文不專於醉甲寄分外閫令出中權九醞投河義由獨斷一瓢飲水惠在同霑儻師人之多寒恩逾挾纊如戰士之載渴功倍望梅分少以表無頗和眾寧宜及亂豈資滿腹所貴歸心少卿絕甘見稱漢

士作已

代子反獨醉實敗楚軍苟臧否之必由何  
古今之有異非其矯節是知言

得乙有罪丁救以免乙不謝或責之

乙云不為已

在公而行誠非為已懷惠以謝則涉徇私  
彼既求仁而得仁此宜以直而報直乙惟  
獲戾丁乃解紛以為非罪而拘治長見稱  
於尼父直言以免叔向寧謝於祁奚論恩  
則丘山不勝在道而江湖可忘況情非私

知有之

謁可以不愧于人義在公行實以無求於  
我合嘉遺直勿聽責言

得景妻有喪景於妻側奏樂妻責之

不伏

喪則有哀見必存敬樂惟飾喜舉合從宜  
夫婦所貴同心吉凶固宜異道景室方在  
疾庭不徹懸鏗鏘無倦於鼓鐘好合有傷  
於琴瑟既愆夫義是棄人喪儼麻縗之在  
躬是吾憂也調絲竹以盈耳於汝安乎如

以作亦

合作蓋

有作思  
有作有

有作有

竹生管

賓之敬頗乖若往之哀斯瀆遂使唱和不應憂喜相干道路見縵猶聞必變隣里有殯亦不爲歌誠無惻隱之心宜受庸奴之責

得甲年七十餘有一子子請不從政所由云人戶減耗徭役繁多不可執禮而廢事

役且有辭信非懋力老而不養豈謂愛親戀若阻於修防怨必興於陟岵顧惟甲子

親作人

及此丁年戶減事繁政宜勤於晝夜家貧親老養難闕於晨昏在子道而可矜雖王徭之宜免事聞諸禮情見乎辭天子敦風猶勸養其三老庶人從政亦何假於一夫況當孝理之朝難抑親人之請所由之執愚謂不然

得景於逆旅食噬腊遇毒而死其黨訟之主人云買之有處

生不可保死必有因蓋知命於喪予豈尤

人於食我景秋蓬方轉朝薤欲晞旅次負  
來將受殮而已生涯溘盡當終食之間且  
非祭地之疑自是逢天之戚永言其黨不  
察所由死且焉知徒云噬腊之毒買而有  
處請無寘董之嫌誠虐士之可哀在主人  
而何咎幸思恕物無妄罪人

得詔賜百寮資物甲獨以物委地而  
不拜有司劾其不敬云本贓物故不  
敢拜

賜表主恩拜明臣禮苟臨事而不敬雖有  
辭而勿聽甲列在朝行頒其資物宜荷天  
而受賜何委地而如遺曾是姦贓誠可惡  
於清德今爲寵錫諒難拒於鴻私旣爲善  
而近名亦失恭而遠禮必也志疾貪冒節  
勵貞廉自當辭讓有儀豈得棄捐不拜况  
人不易物鍾離委珠而徒爲心苟無瑕伯  
夷飲泉而何爽宜許有孚之効用懲不恪  
之辜



得乙爲大夫請致仕有司詰其未七十乙稱羸病不任事

時制未及尚可俟朝疾疹所加固難陳力  
乙位參食菜志在懸車揆以紀年桑榆之  
光未暮驗其羸病蒲柳之質先零旣稱量  
力而行所謂奉身以退雖髮未種種告老  
無乃速歟恧旣諄諄致政固其宜矣請高  
知止無強不能

得景爲縣官判事案成後自覺有失

請舉牒追改刺史不許欲科罪景云  
今式有文

政尚從寬過宜在宥苟昨非之自悟則夕  
改而可嘉景乃案寮參諸簿領當推案務  
劇詎免毫釐之差屬褰帷政苛不容筆削  
之改誤而不隱悔亦可追縣無罔上之姦  
州有刻下之虐先迷後覺判事雖不三思  
苟有必知牒舉明無二過揆人情而可恕  
徵國今而有文將欲痛繩恐非直筆

得甲替乙為將甲欲到乙嚴兵守備  
不出迎發制書勘合符以法從事御  
史糾其無賓主之禮科罪不伏

師律貴貞兵符示信苟未會合敢忘戒嚴  
乙奉中權甲承後命推輪相代言赴及瓜  
之期衷甲自防猶軫剪茅之慮且信惟守  
器權在隱情符節既未合同軍衛如何徹  
警所宜慮遠安可徇私闕於將迎雖乘主  
禮完其守備是叶軍謀無責建牙恐非直

指

得鄉老不輸本戶租稅所司詰之辭  
云年八十餘歲有頒賜請預折輸納  
所由以無例不許

丹制既登誠宜加惠歲賦不入何以奉公  
苟布常而是違雖移用而不可鄉老年參  
耆耄名繫版圖天賜未頒且有躁求之請  
地征合納非無苟免之心曾是徇私固難  
違例況時逢恤老節合勤王尚齒肆筵我

歲敦於善養食毛入賦爾奚忘於樂輸受  
賜任待於時頒量入難虧於歲抄不從妄  
請誠謂職司

得乙女將嫁於丁既納幣而乙悔丁  
訴之乙云未立婚書

女也有行義不可廢父兮無信訟所由生  
雖必告而是遵豈約言之可爽乙將求佳  
壻曾不良圖入幣之儀既從五兩御輪之  
禮未及三周遂違在耳之言欲阻齊眉之

請況卜鳳以求士且靡咎言何真鴈而從  
人有乘宿諾婚書未立徒引以為辭娉財  
已交亦悔而無及請從玉潤之訴無過桃  
夭之時

得景請與丁卜丁云死生付天不付  
君也遂不卜或非之

聖人建易雖用稽疑君子樂天固宜知命  
苟吉凶之罔僭何中否之足詢丁執心不  
回出言有中爾考前知之兆誠足決疑吾

從昆命之文必先蔽志以為禍福由已休咎則繫於慎行生死付天脩短乃存乎陰騭當脫身於木鴈寧問命於著龜言既中倫理亦窮性況詹尹釋策有問焉知闢廉立言不疑何卜不從握粟是謂忘筮

得者老稱甲多智縣司舉以理人或云多智賊也未知合用否

道雖棄智政且使能苟養之以恬則用之不惑甲稱予智縣舉爾知將老者之審才

乙作而

得賢斯羨何或人之懵理為賊是虞誠蔽蕩之無聞庶利人之可取然以智殊小大用有否臧識若限於挈餅或當害物道能弘於樂水何爽理人請審兩端萬從一見得乙為邊將虜至若涉無入之地監軍責其無勇略辭云內無糗糧外無

掎角

封疆貴安伍候尚警苟不固吾圉則速即爾刑乙登以將壇鎮于邊壘誠可戒嚴走

人作仁

集罔有敵于我師何乃啓納寇戎若無人  
於吾地是昧安邊之略信貽失律之凶拳  
勇蔑聞罪戾誰執如或寇強師老食絕城  
孤期盡敵而還且勤於堅守苟知難而退  
猶愈於覆亡宜矜掎角之辭難議建牙之  
罪

得景進柑子過期壞損所由科之稱

於浙江陽子江口各阻風五日

進獻失期罪難逃責稽留有說理可原情

陽作楊  
口元之  
期作時

景乃行人奉茲錫貢薦及時之果誠宜無  
失其程阻連日之風安得不愆于素覽所  
由之詰聽使者之辭既異違寧難科淹恤  
限滄波於子役匪我愆期敗朱實於厥苞  
非予有咎捨之可也誰曰不然

得丁喪所知於野張帷而哭隣人詰  
云夫子惡野哭者

死喪有別哭泣從宜情或異於親踈禮則  
殊於內外丁義勸交道動循容止未忘半

面嘗同傾蓋之歡永念重泉遂展張帷之  
哭雖聲非有慟而分止所知未乘夫子之  
言何致鄰人之詰如或肆號吽於路左物  
或惡之今則具威儀於野中禮無違者允  
符前志奚恤斯言

得甲妻於姑前叱狗甲怒而出之詎  
稱非七出甲云不敬

細行有虧信乖婦順小過不忍豈謂夫和  
甲孝務恪恭義輕好合饋豚明順未聞爽

於聽從叱狗愆儀盍勿庸於疾怨雖怡聲  
而是昧我則有尤若失口而不容人誰無  
過雖敬君長之母宜還王吉之妻

得乙為軍昧夜進軍諸將不發欲罪  
之辭云不見月章

表旗示信戎政貴明在九章而或乘雖三  
今而惟反乙是稱戎帥未達軍容奉明罰  
之辭無聞月捷用潛師之計方事宵征徒  
欲董以爪牙曾不明其耳目況將經武必

在昭文夜號未申有虞固宜不進月章莫  
舉毀匱自可當辜訴非失辭責乃當罪

得景嫁殤鄰人告違禁景不伏

生而異族死豈同歸且非合祔之儀爰抵  
嫁殤之禁景天婚是恤窀穸斯乖以處子  
之薜華遷他人之蒿里曾靡卜於鳴鳳各  
異室家胡為相以青烏欲同宅兆徒念幼  
年無偶豈宜大夜有行況生死寧殊男女  
貴別縱近傾筐之歲且未從人雖有遊岱

之魂焉能事鬼既違國禁是亂人倫謀徵  
媒氏之文無抑鄰人之告

得丁陳計請輕過移諸甲兵省司以  
敗法不許丁云宥罪濟時行古之道  
何故不可

軍興事亟則務益兵時泰教成固難敗法  
丁志崇陳計識昧相時當兵戢之朝詎資  
凶器在刑行之日寧利幸人是廢國章欲  
崇軍實禍關黷武弊起惠姦宥罪未若慎

有作招

當罪作  
出當

天婚作  
昏

謀作請

關作開

刑濟軍不如經國況王霸道異古今代變  
小哉管氏之器曾足行權哿矣者司之言  
孰非經久得失斯在用捨可知

得甲在獄病久請將妻入侍法曹不  
許訴稱三品已上散官

獄雖慎守病則哀矜苟或無瘳如何罔詔  
甲罪拔刑憲身從幽繫憂能成疾膏盲之  
上未痊危則思親縲紲之中有請勢窮搖  
尾念切齊眉卧或十旬既軫彌留之懼官

拔作昭  
刑作昭  
作照

惟三品宜從侍執之辭敢請法曹式遵今  
典

得乙聞牛鳴曰是生三犧皆用之矣  
問之皆信或謂之妖不伏

之无之  
奇三切

上稟天性旁通物情是謂生知孰云行恠  
况形雖異類心則同歸四鳥分飛聽音既  
稱有信三犧皆用聞鳴豈可為妖且叶前  
言殊非左道爾惟不講我則有辭揆以周  
官業將同於夷隸詳夫魯史責不及於葛

不誨習  
有之



盧獸語可徵人言奚恤

得丁母乙妻俱為命婦每朝參丁母  
云母尊婦卑請在婦上乙妻云夫官  
高不合在下未知孰是

肅恭成德卑則敬尊著定辯儀賤無加貴  
眷彼母妻之品視其夫子之官敬將展於  
君前禮且殊於門內閨闈垂訓長幼雖合  
有倫朝廷正名等列豈宜無別婦道雖云  
守順國章未可易班母則失言妻唯得禮

云作別

且子兮位下尚欲宗子而夫也官崇如何  
卑我請依序守無使名愆

駟作駟

得景請預駟馬所司糾云景庶子也  
且違格令欲科家長罪不伏

倅作倅

冒婚微倅既扞官刑罔上失忠亦虧臣節  
在幼賤而不禁豈尊長之無辜屬下嫁王  
姬旁求都尉選吹簫之匹雖則未獲真人  
預傳粉之郎豈可濫收庶子況姻連天族  
榮冠人倫嗣既異於承祧禮難當於釐降

也字  
元本

高作征

掩藏庶孽唯慮其不諧貪冒寵榮詎思於  
有罪豈非或益而損曾是欲蓋而彰國章  
寧捨於面欺家長宜從於首坐

得甲夜行所由執之辭云有公事欲  
早趨朝所由以犯禁不聽

趨朝有時則當蚤作防姦以法寧縱晨行  
雖夙夜之自公豈警巡之可犯甲陳力是  
念相時斯昧方鳴三鼓知行夜之猶嚴未  
關九門信將朝而尚早趨進合遵於辯色

鼓乍鼓

夙興宜伺其啓明既爽時然後行是必動  
而有悔非至馬爲政焉用出以戴星同宣  
子俟朝胡不坐而假寐宜遵街禁用表司  
存

得郡舉乙清高廉使以爲通介無常  
罪舉不當郡稱往通今介時人無常  
乙有常也

常正恒

退藏守道自合銷聲待用濟時則難背俗  
乙行藏未達通介不常若德至而無稱固

當滅跡既名彰而見舉誠合隨時待立身  
以清高且於物而凝滯無固無必盍守宣  
尼之言獨清獨醒信貽漁父之誚兼濟豈  
資於絕俗全真未爽於同塵宜從不當之  
科俾慎無常之舉

得景於私家陳鐘磬鄰人告其僭云  
無故不徹懸

器不假人易而生亂樂惟節事過則有刑  
禮既異於古今法且禁其鐘磬景苟求飾

喜罔念速尤竊筍簞以陳樂由奢失僭金  
石而奏罪以聲聞雅當犯貴之辜難許徹  
懸之訖然恐賜同魏絳僭異于奚且彰北  
闕之恩何爽南鄰之擊是殊國禁無告家  
藏

得丁氏有邑號犯罪當贖請同封爵  
之例所司不許辭云邑號不因夫子  
而致

邑號旌賢國章義貴如或不能自庇則將

焉用其封丁氏恩降閨門罪罹邦憲寵非  
他致既因表以勲賢咎雖自貽亦可免於  
刑戮若不從其寬典則何貴於虛封漢恤  
緹縈猶聞贖父齊分石窮豈不庇身宜聽  
輯矣之辭難奪贖兮之請

得景與乙同賈景多收其利人刺其  
貪辭云知我貧也

仁無貪貨義有通財在潔身而雖垂於知  
已而則可景乙奇羸何業氣類相求競以

錐刀始聞小人喻利推其貨賄終見君子  
用心情表深知事符往行如或貧富必類  
自當興讓立廉今則有無相懸固合損多  
益寡是為徇義豈曰竭忠受粟益親孔氏  
用敦吾道分財損已叔牙嘗謂我貧無畏  
人言俾彰交態

得景夜越關為吏所執辭云有追捕  
設以關防辨其出入既慎守而無怠豈偽  
遊而能過景勤恪居懷夙夜奔命以謂寇

攘事切宜早圖之罔思呵察戒嚴不可踰也翟蒲乃司敗小事襟帶實國家大防仰老氏之文雖知善閉稽周公之制尚曰不征責已具於有司理難辭於靡監盍從致詰無信飾非

得乙以庶男冒婚丁女事發離之丁理饋賀衣物請以所下聘財折之不

伏

婚以匹成嫡庶宜別訟由情察曲直可知

將令人有所懲必在弊之不及相時庶孽冒乃婚姻情以矯誣始聞好合事斯彰露旋見仇離既生非偶之嫌遂起納徵之訟辭多執競理有適歸乙則隱欺在法而聘財宜沒丁非罔冒原情而饋禮可追是非足明取與斯在

此匹視及  
毛詩有女  
仇別也  
多作維

會昌四年四月十九日寫過神俊男等白舍人院中設

齋曰僧二百人之勤耳空無申

白氏文集卷第四十九

白氏文集卷第五十

判 五十道

得丁上言豪富人畜奴婢過制請據  
品秩爲限約或責其越職論事不伏  
丁志在作程惡夫過制爰陳誠於白奏俾  
知禁於素封將使豪富之徒資雖積於鉅  
萬僮僕之限數無踰於指千抑滯義叶於  
隨時革弊道符於漢日責其論事無乃失

辭若守職以越思則爲出位將盡忠於陳計難伏嘉言楚既失之鄭有辭矣

得甲爲邠州刺史正月令人修耒耜廉使責其失農候訴云土地寒

教有權節業無易宜地苟異於寒溫農則殊於早晚甲分憂率職從俗勉人天時有常農宜先定地氣不類寒則晚成雖愆揉木之時未建把草之候正惟廉使何昧遺風縱稼器之已修先成焉用苟土膏之不

起欲速何爲誠宜嘉乃辨方豈可詰其行古循諸周禮修耒雖在於季冬訓此豳人于耜未乘於正月責則迂也訴之宜哉

得乙掌宿息并樹質至不誅相翔者御史糾之辭云罪在守塗之人

姦或不誅吏將焉用苟欲科其官失必先辨以司存乙慎守無聞庀徒有怠嘉賓戾止誠宜慮以相翔暴客聿來固合擒而勿佚既墮官禁是縱公行且戒事之前不申

嚴於聚攬慢官之後欲移過於守塗誠乘  
率屬之方宜甘責帥之罰然以官雖聯事  
等列或殊罪不同科重輕宜別比夫所屬  
請以異論

得景爲私客擅入館驛欲科罪辭云  
雖入未供

傳舍是崇使車攸處將供行李必辨公私  
何彼客遊欲從公食豈無逆旅宜受饋於  
盤飧既匪使臣何苟求於館穀信饗饗而

是啓寧僭濫之可容同周官之廬入宜銜  
命非鄭氏之驛置豈延賓法既自干咎將  
誰任然則不應入而妄入刑固難逃而已  
供與未供罪宜有別請從減降庶叶科條  
得洛水暴漲吹破中橋往來不通人  
訴其弊河南府云雨水猶漲未可修  
橋縱苟施功水來還破請待水定入  
又有辭

大水爲災中橋其壞車徒未濟誠有阻於



往來修造從宜亦相時之可否顧茲浩浩  
阻彼憧憧人訴川梁不通壅而爲弊府慮  
水沴荐至毀必重勞苟後患之不圖則前  
功之盡棄將思濟衆固合俟時徵啓塞之  
文雖必普於一日防懷襄之害未可應乎  
七星無取人辭請依府見

得景爲將敵人遺之藥景受而飲之  
或責失人臣之節不伏

軍尚隱情臣宜守道况幄中之權要當絕  
外交之嫌景命受建牙遇敵飲藥直雖可  
舉忠則不知且事君在公訓旅貴信失人  
臣之節爾豈自明惑士卒之心吾將安仰  
况兵惟尚詐人不易知同饋醪而無他推  
誠猶可苟毒流而不察雖悔寧追無謀既  
昧三思不伏恐涉貳過勿疑以飲徒徇陸  
抗之名未達而嘗且墜宣尼之訓是違師  
律難償鄰言

得丁將在別屯士卒有犯每專殺戮

御史舉劾訴稱曾受祭戟之賜  
將非處右莫敢示威軍或別屯則宜專命  
丁位雖佐理分以戎行執專征之權錫弓  
於周典操司殺之柄受祭於漢儀既有今  
而必行信無瑕而可戮實握兵之能政奚  
執簡之舉違如或稟命於連營畏予不敢  
今則分部而賜戟無我有違宜崇魏絳之  
威勿議秦彭之罪

得甲告老請立長爲嗣長辭云不能

請讓其弟或詰之云弟好仁

讓賢雖仁廢長非順徒聞建善則理其如  
亂嗣不祥甲告老於朝立子爲後雖急難  
自舉必有可觀者焉而長幼以倫無所苟  
而已矣况欲正其爵位豈宜越以鴈行于  
弟克恭厥兄徒好仁之請知子莫若於父  
蓋從立長之言無忌雖欲傳家季札終當  
棄室諒可致詰罔聽不能

得乙出妻妻訴云無失婦道乙云父

母不悅則出何必有過

孝養父母有命必從禮事舅姑不悅則出  
乙親存為子年壯有妻兆啓和鳴授室之  
儀雖備德非柔淑宜家之道則乖若無爽  
於聽從曷見尤於譴怒信傷婉婉理合仇  
離且聞莫慰母心則宜去矣何必有虧婦  
道然後棄之未息游詞請稽往事姜詩出  
婦蓋為小瑕鮑永去妻亦非大過明徵斯  
在薄訴何為

武綿切

得景有姊之喪合除而不除或非之  
稱吾寡兄弟不忍除也

喪雖寧戚禮且節哀俾不足與有餘必跂  
及而俯就景愛深血屬禮過時制興鮮兄  
之歎情既鍾於孔懷及居姊之喪服將除  
而不忍雖志崇敦睦而事越典彝况儀貴  
適中哀不在外宜抑情而順變多奚以為  
苟在禮而或踰過猶不及請遵仲尼之訓  
無執季路之辭

得丁陷賊庭守道不仕賊帥逼之辭  
云堯舜在上下有巢許遂免所司欲  
旌其節大理執不許

臣節貴忠國經懋賞冥遵善道難廢彝章  
丁陷在賊庭強其祿仕敦在三之義因時  
難而名聞守無二之忠經歲寒而節見逼  
夷齊以周粟引巢許於唐臣身以道存情  
非利動所當厚獎何乃深疑且人無不臣  
之心所謂順也邦有惟重之典其可廢乎

從亂則必論辜守道豈無旌善野哉大理  
信乃執迷展矣所司誠為勸沮

得景為大夫有喪丁為士而特弔或  
責之不伏

官有常尊禮無不敬位若殊於等列弔則  
異其節文景為大夫丁乃元士居喪而哭  
合遵朝夕之期特弔以行奚越尊卑之序  
既乖前典乃速斯言且禮貴明徵位宜慎  
守俟非其事信干食菜之榮儀失其宜徒

展贈藹之意是曰無上將何以觀

得吏部選人入試請繼燭以盡精思

有司許之及考其書判善惡與不繼

燭同有司欲不許未知可否

旁求俊造迨將筮仕歷試文辭俾從卜夜

苟狂簡而無取宜確執而勿聽萃彼群才

登于會府惟賢是急慮失寶於握珠有命

則從許借光於秉燭及乎考覈罕有菁英

屬辭既謝於揀金待問徒煩於繼火將期

百鍊之後思苦彌精何意一場之中心勞

逾拙曷如早已焉用晚成敢告有司勿從

所請

得乙貴達有故人至坐於堂下進以

僕妾之食或謂之乙曰恐以小利而

忘大名故辱而激之也

貴賤苟合曾是汎交窮達相致乃為執友

乙既登貴仕爰有故人以為念舊追歡知

已之心未至行權勵節成人之美則多不

白集五十一

登夫子之堂乃進僕人之食苟推誠而相  
激雖屈辱以何傷安實敗名重耳竟慙於  
子犯感而成事張儀終謝於蘇君是勉後  
圖且符往行如或識纔半面契未同心雖  
發憤以達人必取怨於謗已以斯致誚亦  
謂合宜

得景領縣府無蓄廩無儲管郡詰其  
慢職景云王者富人藏於天下故也  
賦斂異宜君臣殊政藏諸百姓在王者而

則然虛我千倉於職司而不可景匱茲國  
用豐彼家財人不誅求誠爲寬政府無儲  
蓄寧匪慢官况今征稅有常公私兼濟苟  
能取之以道則下自樂輸何必藏之於人  
使上將乏用既爽奉公之節宜甘掠美之  
科罔縱縣辭請依郡詰

得丁食於喪者之側而飽或責之辭  
云主人食我以禮故飽

飲食以陳庶無求飽齋衰可恤仁豈忘情

丁靡念人喪始求主禮遇加籩之膳誠可  
療飢對泣血之哀亦宜忘味既念古蠲之  
饕是忘惻隱之心况春於其鄰相猶違禮  
而食於其側飽亦非仁徒嘉施氏之儀且  
昧宣尼之教勿思變色當顧戚容

得甲為獄吏囚走限內他人獲之甲  
請免罪

園土不嚴罪人其遁亡而由已誠曰慢官  
獲則因人其何補過相維彼甲所謂攸司

不念恪居傲于姜里旋聞失守逸乃楚囚  
雖非故縱所因曾是慢常而致徒稱勿佚  
未可塞違得於他人自是踈網無漏失其  
所職豈可出匣不科無貪假手之功固合  
甘心於罰

得乙川游所由禁之云有故要渡  
示衆知防必修水禁救人鮮死無縱川游  
乙行險不思憑河無悔慕呂梁之術習於  
浮水違周官之令忘彼危身將不弔而是

虞雖有故而宜禁忘子產喻政爾則狎而  
翫之引仲尼格言吾恐蹈而死者既殊利  
涉當戒善游未可加刑且宜知懼

得景爲將每軍休止不絕營部監軍  
使劾其無備辭云有警軍陣必成何  
必勞苦

將苟有謀勞而後逸師不用律臧亦爲凶  
况未靖方隅尚勤征伐即戎推轂既崇四  
七之名臨敵屯營何乘什伍之列是使人

慢孰謂戎昭薄威雖欲恤勞徹警恐爲懈  
怠且有嚴有翼猶奪先人之心不備不虞  
寧救長蛇之尾必也權能制勝謀必出奇  
亦待臨事有成然後斯言可信監軍之劾  
舉未失中彼景之辭試可乃已

得丁乘車有醉吐車茵者丁不科而  
吏請罪之丁不許

克寬克仁所謂易事不知不愠是曰難能  
况乎醉起甕間嘔盈車上小人沉酒自貽



白集卷之十  
請於彼昏君子舍弘乃忘情於斯怒宥過  
所宜無大知非庶使有慙未乖觀過之仁  
雅叶諦思之義且怒當及物察貴用情絕  
纓繼淫醉而猶捨吐茵及亂誤豈不容無  
從下吏之規庶叶前賢之美

得甲牛觝乙馬死請償馬價甲云在  
放牧處相觝請陪半價乙不伏

馬牛于牧蹄角難防苟死傷之可徵在故  
誤而宜別况日中出入郊外寢訛既谷量

以齊驅或風逸之相及爾牛孔阜奮驛角  
而莫當我馬用傷蜿駿足而致斃情非故  
縱理合誤論在皂棧以來思罰宜惟重就  
桃林而招損償則從輕將息訟端請徵律  
典當陪半價勿聽過求

得景娶妻三年無子舅姑將出之訴  
云歸無所從

承家不嗣禮許仇離去室無歸義難棄背  
景將崇繼代是用娶妻百兩有行既啓飛

鳳之兆三年無子遂操別鶴之音將去舅  
姑終鮮親族雖配無生育誠合比於斷絃  
而歸靡適從庶可同於束蘊固難効於救  
子宜自哀於鄧攸無抑有辭請從不去  
得丁喪親賣宅以奉葬或責其無廟  
云貪無以爲禮

慎終之道必信必誠死葬之儀有豐有省  
諒欲厚於卜宅亦難輕於慮居丁昊天降  
凶遠日叶吉思葬具之豐備欲祔九原顧

家徒之屢空將鬻三畝愛雖深於送死義  
且涉於傷生念顏氏之貧豈宜厚葬覽子  
游之問固合稱家禮所貴於從宜孝不在  
於益侈蓋伸破產之禁以避無廟之嫌

得甲之周親執工伎之業吏曹以甲  
不合仕甲云今見修改吏曹又云雖  
改仍限三年後聽仕未知合否

業有四人職無二事如或居肆則不及仕  
門甲爰有周親是稱工者方耻役以事上

且思祿在其中有慕九流雖欲自遷其業  
未經三載安可同升諸公難違甲令之文  
宜守吏曹之限如或材高拔俗行茂出群  
豈唯限以常科自可登乎大用以斯而議  
誰曰不然

得乙請用父蔭所司以贈官降正官  
蔭一等乙云父死王事合與正官同  
官分正贈蔭別品階如酬死繼之勲則厚  
賞延之寵追思乙父勵乃臣節捐軀致命

尚克底定爾功繼代勸能豈忘勤恤我後  
椒聊既稱有實桃李未可無陰忠且忘身  
優宜及嗣如或病捐館舍贈官當合降階  
今則死衛國家叙蔭所宜同正庶旌義烈  
用叶條章

得景爲錄事參軍刺史有違法事景  
封狀奏聞或責其失事長之道景云  
不敢不忠於國  
守位居常小宜事大持法舉正卑可糾尊

景名署外臺身由中立直而自守郡卸之  
政必行明不相蒙州將之邪無隱且六條  
枉撓百事滋昏苟不提綱是爲漏網雖舉  
違犯上虧敬長之小心而陳奏盡忠得事  
君之大節既非下訕難抑上聞

得丁私發制書法司斷依漏洩坐丁  
訴云非密事請當本罪

君命是專刑其無小王言非密罪則從輕  
丁乃攸司屬當行下不慎厥德擅發如綸

之言自災于身難求踈網之漏然則法通  
加減罪有重輕必也志在私行唯當專達  
之責如或事關樞密則科漏洩之辜請驗  
跡於紫泥方定刑於丹筆

得甲爲所由稽緩制書法直斷合徒  
一年訴云違未經十日

王命急宣行無停晷制書稽緩罪有常刑  
將欲正其科繩必先揆以時日甲懈位敗  
度慢令速尤蓄怠棄之心既虧臣節壅駿

奔之命自抵國章然則審時勾稽考程定  
罪法直以役當朞月所由以違未決辰將  
計年以斷徒恐乖閱實請據目而加等庶  
叶決平是曰由文俾乎息訟

得乙盜買印用法直斷以偽造論詐  
云所由盜賣因買用之請減等

賄以公行印惟盜用罪之大者法可逃乎  
伊人無良同惡相濟所由既敗官為墨予  
取予求彼乙乃竊器成姦不畏不入潛謀

斯露竊弄難容猶執薄言將求末減用因  
於買比自作而雖殊情本於姦與偽造而  
何異以效降等誠恐利濫

得有聖水出飲者日千數或謂偽言  
不能愈疾且恐爭鬪請禁塞之百姓  
云病者所資請從人欲

執禁之要在乎去邪為政之先必也無訟  
必彼泉水流于道周飲瓢之人孔多蔑聞  
病間濫觴之源不足必起爭端訟所由生

欲不可縱上善未能利物左道足以惑人  
且稽以祥符徵之時事地不藏寶當今自  
出醴泉天之愛人從古未聞聖水無聽虛  
誕之說請塞訛偽之源

得景有志行隱而不仕爲郡守所辟  
稱是巫家不當選吏功曹按其詭詐  
景不伏

鳴鶴處陰聲聞于外玄豹隱霧樂在其中  
此將適於退藏彼可強之維繫景業敦道  
行志薄宦情太守以舉爾所知將申蒲帛  
之聘夫子以從吾所好不顧弓旌之招懼  
俗吏之徒勞引巫家以自穢冀其言遜獲  
免翻以行詐論辜况商洛拂衣漢且求之  
不得類川洗耳堯亦存而勿論天子尚不  
違情功曹如何按罪

得丁爲刺史見冬涉者哀之下車以  
濟之觀察使責其不順時修橋以徵  
小惠丁云恤下

津梁不修，何以爲政。卓服有命，安可假人。丁職是崇，班體非威。重輕漢臣之寵，失位於高車。徇鄭相之名，濟人於大水。志雖恤下，道昧叶中。與其熊軾涉川，小惠未遍。曷若虹橋通路，大道甚夷。啓塞旣闕，於日修揭。厲徒哀其冬涉，事關失政。情近沾名，宜科十月不成。庶辨二天無政。

得甲告其子行盜，或謂其父子不相隱。甲云：大義滅親。

法許原親，慈通隱惡。俾恩流于下，亦直在其中。甲忝齒人倫，忍傷天性。義方失教，曾莫愧於父頑。攘竊成姦，尚不爲其子隱。道旣虧於庭訓，禮遂闕於家肥。且情比樂羊，可謂不慈。傷教况罪，非石厚徒云。大義滅親，是及情所宜致。誚。

得州府貢士，或市井之子孫，爲省司所詰，申稱群萃之秀，出者不合限，以常科。

惟賢是求何賤之有况士之秀者而人其捨諸惟彼郡貢或稱市籍非我族類則嫌雜以蕭蘭舉爾所知安得棄其翹楚誠其惡於禪敗諒難捨其茂異揀金於砂礫豈爲類賤而不收度木於澗松寧以地卑而見棄但恐所舉失德不可以賤廢人况乎識度冠時出自牛鑿之後心計成務擢於賈豎之中在往事而足徵何常科而是限州申有據省詰非宜

得乙充選人識官選人代試法司斷

乙與代試者同罪訴云實不知情

官擇賢良選稽名實苟作偽而心拙必代斷而手傷乙情非容姦行乖周慎將如吾面遂充識以不疑未見子心果代試而有悔旣彰聞而貽戚乃連坐以論辜察情諒不同謀結罪誠應異罰法無攸赦選者當准格論人不易知識官所宜情恕削奪恐爲過當貶降庶叶決平



得甲與乙爵位同甲以齒長請居乙  
上乙以皇宗不伏在甲下有司不能  
斷

庠序辯儀則先長長朝庭列位必尚親親  
惟彼周行是名同位德非心競禮失肩隨  
甲以桑榆年高何以卑我乙以葛藟族貴  
奚獨後予各與爭長之辭遂昧常尊之位  
然禮經尚齒且王室貴親晉鄭同儕信高  
卑之或等滕薛異姓諒先後之可知難遵

少長之倫宜守親踴之序

得選舉司取有名之士或云不息馳  
騫恐難責實

聲雖非實善豈無名不可苟求亦難盡棄  
屬時當仄席任重掄材思得士於聲華懼  
誘人於奔競若馳騫而方取慮非歲貢之  
賢如寂寥而後求恐失日彰之善將期據  
實必在研精但取捨不私是開乎公道則  
吹噓無益自閉其倖門名勿論於有無鑒

自精於舉措

得太學博士教胄子毀方瓦合司業以非訓導之本不許

教惟馴致道在曲成將遜志以樂群在毀方而和衆况化人由學成性因師雖和光以同塵德終不雜苟圓鑿以方枘物豈相容道且尚於無隅義莫先於不翮司業以訓導貴別或慮雷同學官以容衆由寬何傷瓦合教之未墜蓋宣尼之言然文且有

徵則戴氏之典在將勸學者所宜歸之

得甲居家被妻毆笞之鄰人告其違法縣斷徒三年妻訴云非夫告不伏禮貴妻柔則宜禁暴罪非夫告未可麗刑何彼無良於斯有怒三從罔敬待以庸奴之心一扶所加厚辱於女子之手作威信傷於婦道不告未爽於夫和招訟於鄰誠愧聲聞于外斷徒不伏未乘直在其中雖昧家肥難從縣見

得乙居家理廉使舉請授官吏部以  
無出身不許使執云行成於內可移  
於官

調選正名誠宜守序數求懋德安可拘文  
乙積行於中闇彰于外廉使以道敦知已  
欲致我於青雲天宮以限在出身將棄予  
於白屋事雖異見理可明徵掄瑣瑣之材  
則循舊格刈翹翹之楚寧守常科幸當仄  
席之求無惑刻舟之執况自家刑國移孝

入忠既聞道不虛行足見舉非失德所宜  
堅決無至深疑

得景定婚訖未成而女家改嫁不還  
財景訴之女家云無故三年不成

義敦好合禮重親迎苟定婚而不成雖改  
嫁而無罪景謀將著代禮及問名二姓有  
行已卜和鳴之兆三年無故竟愆嬾婉之  
期桃李恐失於當年榛栗遂移於他族既  
聞改適乃訴納徵揆情而嘉禮自虧在法

而娉財不返女兮不爽未垂九十之儀夫也無良可謂二三其德去禮逾遠責人斯難

得丁爲大夫與管庫士爲友或非之云非交利也

見賢不稱且虧事上之節非義苟合則涉黷下之嫌丁貴乃立家友其管庫不思進善徒務降尊若接而或非自貽交利之責儻知而不舉則速蔽賢之尤既未覈於是

非姑欲素乎貴賤况公叔薦士家臣尚見同升雖文子好能管庫不聞爲友信乘慎守宜及或非

得四軍帥令禁兵於禁街中種田御史劾以無勅文辭云因循歲久且有利於軍

爲國勸農田疇有制示人知禁衢路攸先瞻彼三農藝斯五稼且町疇是務豈是瞻軍雖轍迹不加未爲曠土輦轂必資於平

易康莊難縱以荒蕪務有畔之農秋成而利亦蓋寡侵如砥之道歲久而弊則滋多請論環衛之非式表鐵冠之効

得甲爲郡守部下漁色御史將責之辭云未授官已前納采

諸侯不下用戒淫風君子好求未乘婚義甲既榮爲郡且念宜家禮未及於結褵責已加於執憲求娶於本部之內雖處嫌疑定婚於授官之前未爲縱欲况禮先納采

足明嫵婉之求聘則爲妻殊非強暴之政宜聽隼旗之訴難科漁色之辜

得乙爲三品見本州刺史不拜或非之稱品同

桑梓攸重必在恪恭官品斯同則宜抗禮乙班榮是踐威重可觀况衣錦還鄉已崇三品之秩雖剖符臨郡應無再拜之儀豈以州里版圖而紊邦家典制如或商周不敵敢不盡禮享君今且晉鄭同儕安得降

階卑我既不愆素何恤或非

得景爲獸人冬不獻狼責之訴云秦  
地無狼

鮮或不給既曠乃官辭且無徵是重而罪  
景獸人斯掌禽獻罔供當路可求曾不思  
於寔尾充庖爲用遂有闕於去腸既愆冬  
獻之期難償西鄰之責載詳地產重抵國  
章薦必以時吾能言於周有生靡常所子  
勿謂其秦無縱口給之不慙在面欺而無

拾

得景負丁財物丁不告官強取財物  
過本數縣司以數外贓論之不伏

人縱於貪動而生悔物非其道取則有贓  
丁放利欲羸景逋債未償懷不忌而強取  
姑務豐財逞無狀之過求豈非黷貨情難  
容於強暴法必禁以奪攘以交易而求多  
尚宜准盜在倍稱而過數孰謂非贓若以  
律論當從縣斷

得乙請襲爵所司以乙除喪十年而後申請引格不許乙云有故不伏爵命未墜嗣襲有期在紀律而或愆當職司而宜舉乙舊德將繼新命未加所宜纂彼前修相承以一子何乃廢其後嗣自棄於十年歲月既已滋深公侯固難必復然以法通議事理貴察情如致身於宴安則宜奪爵若居家而有故尚可策名須待畢辭方期析理

得丁爲士葬其父用大夫禮或責其僭辭云從死者

禮惟辨貴孝不貶親是謂奉先孰云僭上丁慶加一命憂及三年凶降昊天且結茹荼之痛吉從遠日方追食菜之榮既貴賤之殊宜亦父子之異道同曾元易簣正位於大夫殊晏嬰遣車見非於君子未爽慎終之義允符從死之文辭則有徵責之非當

得甲將死命其子以嬖妾爲殉其子  
嫁之或非其違父之命子云不敢陷  
父於惡

觀行慰心則稟父命辨惑執禮宜全子道  
甲立身失正沒齒歸亂命子以邪生不戒  
之在色愛妾爲殉死而有害於人違則棄  
言順爲陷惡三年之道雖奉先而無改一  
言以失難致親於不義誠宜嫁是豈可順  
非况孝在慎終有同魏顓理命事殊改正  
未傷莊子難能宜忘在耳之言庶見因心  
之孝

白氏文集卷第五十





